

宋史新編

宋史新編卷一百九十九

列傳一百四十一

明南京戶部主事莆田柯維騏著

外國

占城

真臘

蒲甘

邈黎

三佛齊

閻婆

南毗附

勃泥

注輦

丹眉流

天竺

干闥

高昌

回鶻

大食

層檀

龜茲

沙州

拂菻

流求

定安

渤海

日本

党項

吐蕃

嶺南羌

阿里骨  
趙思忠

藉征

占城國在中國之西南大小州三十八不盈三萬家無城郭風俗衣服與大食國相類官無奉祿令其所管土俗資給之文吏五十餘員有郎中員外秀才之稱分掌資儲寶貨等事詳具五代史建隆二年其王釋利因陞盤遣使來朝貢表章書千貝多葉盛以香木函其後嗣王貢使不絕宋亦厚賚之太平興國六年交州黎桓上言欲以占城俘九十三人獻于京師太宗令廣州存撫遣還雍熙二年其王施利陀盤吳日歡訴爲交州所侵詔答令保國睦鄰淳化元年新王楊陁排自稱新坐佛逝國訴爲交州所攻人民財寶皆爲所略上賜黎桓詔

令各守其境三年賜其王白馬二遂爲常制熙寧初主  
師討交趾以其素仇詔使乘機協力除蕩其國選兵七  
千扼賊要路然亦不能成功元祐七年又表言如王師  
再舉願率兵掩襲朝廷以交趾不絕臣節難以興師敕  
書報之政和中授其王楊上麻疊金紫光祿大夫領廉  
白州刺史楊上麻疊言身縻化外不霑祿食願得薄授  
奉給壯觀小國許之宣和元年進檢校司空兼御史大  
夫懷遠軍節度琳州管內觀察處置使封占城國王自  
是每遇恩輒降制加封邑紹興二十五年其子鄒時闌  
已嗣立以其父初封之爵授之乾道二年子鄒亞娜嗣

掠大食國方物遣人來貢以求封爵爲其國人所訴詔  
卻之遂不議其封淳熙三年求通商詔不許慶元以來  
真臘大舉伐占城以復讎殺戮殆盡俘其主以歸國遂  
亡其地悉歸真臘

真臘國亦名占臘其國在占城之南其縣鎮風俗同占  
城地方七千餘里其國有戰象幾二十萬政和六年遣  
使來貢宣和二年封其王與占城等建炎二年以郊恩  
授其王金東宿深檢校司徒加食邑遂定爲常制慶元  
六年遣使奉表貢方物詔優其報賜以海道遠涉後毋  
再入貢

蒲甘國崇寧五年遣使入貢詔禮秩視注輦尚書省言蒲甘乃大國王不可下視附庸小國欲如大食交趾諸國禮從之

遼黎國元祐四年般次令移四抹栗迷等齎于闐國黑汗王并本國王表章來有司以其國未嘗入貢請視于闐條式從之

三佛齊國蓋南蠻之別種與占城爲鄰居真臘閩婆之間所管十五州土有花酒椰子酒檳榔酒蜜酒皆非麴蘖所醞飲之亦醉亦有中國文字上章表卽用焉累甃爲城周數十里用椰葉覆屋人民不輸租賦有所征伐

隨時調發立酋長率領皆自備兵器糧餼汎海便風二十日至廣州其王號詹卑其國居人多蒲姓唐天祐元年貢物授其使都蕃長蒲訶栗立寧遠將軍建隆元年其王悉利胡大霞里檀遣使來朝貢自此至高宗時累世貢獻不絕紹興二十六年其王悉利麻霞囉陀遣使入貢帝曰遠人向化嘉其誠耳非利乎方物也其王復以珠獻宰臣秦檜時檜已死詔償其直而收之淳熙五年復遣使貢方物詔免赴闕館於泉州

閩婆國在南海中西北汎海十五日至勃泥國又十五日至三佛齊國又七日至占邏國又七日至柴曆亭抵

交趾達廣州其地平坦宜種植產稻脯粟豆民輸十一之租亦務蠶織室宇壯麗飾以金碧地不產茶其酒出於椰子及蝦蟇丹樹其樹華人未嘗見或以桃榔檳榔釀成亦甚香美不設刑禁罪隨輕重出黃金以贖惟寇盜者殺之以王子三人爲副王官有落佶連四人共治國事如中國宰相無月奉隨時量給土產諸物次有文吏三百餘員目爲秀才又有卑官殆千員其俗有名而無姓方言謂真珠爲沒爹蝦羅謂牙爲家囉謂香爲崑燉盧林謂犀爲低密先是宋元嘉十二年遣使朝貢後絕淳化三年十二月其王穆羅茶遣使來朝貢云中國



有真主本國乃修朝貢之禮使還賜金幣甚厚仍賜良馬戎具以從其請大觀三年遣使入貢詔禮之如交趾建炎三年以南郊恩制授閩婆國王懷遠軍節度琳管內觀察處置等使金紫光祿大夫檢校司空使持節琳州諸軍事琳州刺史兼御史大夫上柱國閩婆國王紹興二年復加食邑實封

南毗國在大海之西南俗喜戰鬥習刀稍善射其國最遠番舶罕到時羅巴智力丁父子其種類也居泉城南自是舶舟多至其國矣

勃泥國在西南大海中其國以版爲城所統十四州王

新居屋覆以貝多葉民舍覆以草其國鄰於底門國有藥樹取其根煎爲膏服之及塗其體兵刃所傷皆不死前代未嘗朝貢故史籍不載太平興國二年國王向打遣使齎表貢方物元豐五年二月王錫理麻喏復遣使貢方物其使乞從泉州乘海舶歸國從之

注輦國水行至廣州約四十一萬一千四百里國有城七重輓城四土城二中城以木竝高七尺植花果雜木一至三皆民居環以小河四城四侍郎居之五城王四子居之六城爲佛寺百僧居之七城卽王所居所統三十一部落兵陣象居前弓矢在後四侍郎分領其衆自

昔不通中國大中祥符八年國王羅茶羅乍遣使貢珠  
數萬兩珠衫帽各一及象牙香藥其表略曰二帝開基  
聖人繼統登封太岳禮祀汾陰至德升聞上穹眷命臣  
昌期斯遇吉語幸聞輒傾就日之誠仰露朝天之款離  
本國凡千一百五十日至廣州宴賜與龜茲同天禧又  
入貢明道二年王尸離囉茶印佉囉注囉遣使以泥金  
表進方物熙寧十年王地華加羅遣使二十七人來貢  
前後使至登陞以真珠龍腦金蓮花等向御座跪撒謂  
之撒殿三佛齊國亦然蓋請從其國俗展至敬也  
丹眉流國東北至廣州一百三十五程其俗以版爲屋

跣足衣布無紳帶以白紵纏其首貿易用金銀其王所  
居廣袤五里無城郭出則乘象車亦有小駟地產犀象  
鍤石紫草蘇木諸藥四時炎熱無霜雪未嘗至中國咸  
平中國王多須機遣使來貢及還賜詔敦獎之

天竺國舊名身毒亦曰摩伽陀復曰婆羅門俗宗浮圖  
不飲酒食肉漢武帝遣使數輩往爲昆明所閉至明帝  
夢金人於是遣使天竺問佛道法由是其教傳中國梁  
武帝後魏宣武皆來貢隋煬帝志通西域諸國多有至  
者惟天竺不通唐貞觀以後朝貢相繼則天天授中五  
天竺王並來朝貢乾元末河隴陷沒遂不復至周廣順

中西天竺僧薩滿多等十六族來貢名馬宋初滄洲僧  
道圓自西域還得佛舍利一水晶器具葉梵經四十夾  
來獻道圓晉天福中詣西域在塗十二年住五印度凡  
六年五印度卽天竺也還經于闐與其使偕至明年僧  
行勤等一百五十七人詣闕上言願至西域求佛書許  
之以其所歷甘沙伊肅等州焉耆龜茲于闐割祿等國  
竝詔諭其國令人導之開寶後天竺一僧持梵夾來獻者  
不絕天竺之法國王死太子襲位餘子皆出家爲僧不  
復居本國有曼殊室利者乃其王子也嗜中國僧至焉  
太祖令館於相國寺善持律爲都人所仰嚮財施盈室

衆僧頗嫉之以其不解唐言卽僞爲奏求還本國許之  
遲留數月而後去終不知所適太平興國七年益州僧  
光遠至自天竺以其王沒徙曩表并釋迦舍利上進雍  
熙中婆羅門僧永世與波斯外道阿里烟同至京師永  
世自云本國名利得國王姓牙羅五得名阿喏你縛衣  
黃衣戴金冠以七寶爲飾出乘象或有輿多遊佛寺博  
施貧乏其妃曰摩訶你歲一出多所振施五穀六畜果  
實與中國無異市易用銅錢其國東行經六月至大食  
國又二月至西州又三月至夏州阿里烟自云本國王  
號黑衣姓張名哩沒用錦綵爲衣無錢貨以雜物貿易

其國東行經六月至婆羅門天聖中西印度僧愛賢智  
信護等來獻梵經各賜紫方袍景祐三年僧善稱等九  
人貢梵經佛骨及銅牙菩薩像賜以束帛

于闐國事見五代史其王李聖天自稱唐之宗屬建隆  
二年十二月聖天遣使貢圭一玉枕一乾德三年五月  
于闐僧善名善法來朝賜紫衣其國宰相因善名等來  
致書樞密使李崇矩求通中國太祖令崇矩以書及器  
幣報之其後數以方物來獻所貢珠玉珊瑚翡翠象牙  
乳香木香琥珀花蕊布硃砂龍鹽西錦玉鞦轡馬膃臄  
臍金星石水銀安息鷄舌香有所特無表章地產到者

來輒羣負私與商賈牟利得差價故其來益多元豐初  
始詔乳香無用不許貢神宗嘗問其使去國歲月對曰  
去國四年道塗居其半元祐中以其使至無時令熙河  
間歲一聽至闕知秦州游師雄言外夷慕義萬里而至  
此非所以來遠人也從之自是訖于宣和朝享不絕

高昌國有高昌城後魏初沮渠無諱自署高昌太守無  
諱死茹茹以阼伯周爲高昌王高昌有王始於此後魏  
至隋皆來貢獻唐貞觀中侯君集平其國以其地爲西  
州事具唐書安史之亂其地陷沒乃復爲國語訛亦云  
高敞然其地頗有回鶻故亦謂之回鶻建隆三年西州



回鶻阿都督等四十二人以方物來貢太平興國六年  
其王始稱西州外生師子王阿廝蘭漢遣都督麥索溫  
來獻五月太宗遣供奉官王延德等使高昌還敘其水  
程自夏州歷數種至臥梁劾特族地有都督山唐回鶻  
之地又歷拽利王子族有合羅川回鶻公主所居城基  
尚在次至阿墩族經馬駿山望鄉嶺嶺上石龕有李陵  
題字處又歷伊州州將陳氏其先自唐開元二年領州  
凡數十世有唐時詔勅又歷數種乃至高昌其地南距  
于闐西南距大食波斯西距西天步路涉雪山葱嶺皆  
數千里地無雨雪而極熱每盛暑居人皆穿地爲穴以

處飛鳥羣萃河濱或起飛卽爲日氣所爍墜而傷翼有  
水源出金嶺導之周圍國城以溉田園作水碓地產五  
穀惟無蕎麥用開元七年曆以三月九日爲寒食餘二  
社冬至亦然佛寺五十餘區皆唐所賜額所統有南突  
厥北突厥大衆熨小衆熨其名甚衆國中無貧民絕食  
者其賑之人多壽考率百餘歲絕無夭死時四月師子  
王避暑於北廷邀延德至其地由金嶺口至漢家砦五  
日上金嶺嶺上有積雪行人皆服毛罽度嶺一日至北  
廷擇日以見使者王及王于侍者皆東向拜受賜王之  
兒女親屬皆出羅拜以受賜遂張樂飲宴爲優戲云八

年春延德與其謝恩使百餘人復循舊路還雍熙元年四月至京師景德元年又遣使金延福來貢

回鶻後魏號鐵勒唐初號特勒後稱回紇元和中爲回鶻事具唐書五代史唐及五代通好不絕宋興累世遣使貢方物咸平四年可汗王祿勝遣使曹萬通來貢萬通自言任本國樞密使本國東至黃河西至雪山有小郡數百甲馬甚精習願朝廷命使統領使得縛繼遷以獻因授萬通左神武軍大將軍優賜祿勝器服大中祥符四年夜落紇遣使言敗趙德明立功首領請加恩賞詔給司戈司階郎將告敕十道使得承制補署初回鶻

西奔族種散處故甘州有可汗王西州有克韓王新復  
州有黑韓王皆其後焉天聖元年詔甘州回紇外甥可  
汗王夜落隔通順特封歸忠保順可汗王熙寧初求買  
金字大般若經以墨本賜之神宗問其國種落生齒幾  
何曰三十餘萬壯可用者幾何曰二十萬明年勅李憲  
擇使聘阿里骨使諭回鶻令發兵深入夏境憲以命殿  
直皇甫旦旦往不得前而妄奏功狀詔逮旦赴御史獄  
抵罪然回鶻使不常來宣和中間因入貢散之陝西諸  
州公爲貿易至留久不歸朝廷慮其習知邊事且往來  
皆經夏國於播傳非便乃立法禁之

大食國本波斯之別種隋大業中自立爲王據有波斯國之西境唐永徽以後屢來朝貢其王益泥未換之前謂之白衣大食阿蒲羅拔之後謂之黑衣大食乾德四年僧行勤遊西域因賜其王書以招懷之開寶以後脩貢不絕大中祥符九年廣州言大食國人無西忽盧華百三十歲耳有重輪貌甚偉異自言遠慕皇化附古選國船舶而來詔就賜錦袍銀帶加束帛其國在泉州西北舟行四十餘日至藍里次年乘風颿又六十餘日始達其國地雄壯廣袤所產多寶玉珠貝又有火浣布民俗侈麗引於諸蕃天氣多寒其王錦衣玉帶躡金履

望冠百寶純金冠其居以礪礪爲柱綠甘爲壁水晶爲  
瓦碌石爲磚活石爲灰帷幕用百花錦官有丞相太尉  
各領兵馬二萬餘人馬高七尺士卒驍勇民居屋宇略  
與中國同市肆多金銀綾錦工匠技術咸精其能建炎  
三年遣使入貢帝謂侍臣曰大觀宣和間茶馬之政廢  
故武備不脩致金人亂華危亡不絕如綫今復捐數十  
萬緡以易無用之珠玉曷若惜財以養戰士詔張浚却  
之優賜以答遠人之意紹興元年復遣使貢文犀象齒  
朝廷亦厚加賜與而不貪其利故貢賦不絕云

層檀國在南海傍熙寧四年始入貢海道便風行百六

十口經勿巡古林三佛齊國乃至廣州其王名亞美羅  
亞眉蘭傳國五百年十世矣人語音如大食地春冬暖  
官有奉祿其法輕罪杖重罪死穀有稻粟麥食有魚畜  
有羊牛橐駝馬犀象所產有珍藥元豐六年遣使再至  
神宗念其絕遠詔頒賚如故事仍加賜白金二千兩  
龜茲本回鶻別種其國主自稱師子王衣黃衣寶冠與  
宰相九人同治國事國城有市井而無錢貨以花藍布  
博易有米麥瓜果或稱西州回鶻或稱西州龜茲又稱  
龜茲回鶻自天聖以來累使入貢

沙州漢燉煌故地唐天寶末陷于西戎大中五年張義

潮以州歸順詔建沙州爲歸義軍以義潮爲節度使領  
河沙甘肅伊西等州觀察營田處置使義潮入朝以從  
子惟染領州事至朱梁時張氏絕州人推長史曹義金  
爲帥義金卒子元忠嗣周顯德二年來貢授本軍節度  
檢校太尉同中書門下平章事鑄印賜之建隆三年加  
兼中書令元忠卒子延祿脩貢贈元忠燉煌郡王咸平  
中封延祿爲譙郡王爲從子宗壽所害宗壽權知留後  
表求旌節乃授節度使宗壽卒子賢順嗣授節度使天  
聖以後累入貢

拂菻歷大食于闐回紇青唐乃抵中國歷代未嘗朝貢



元豐四年其王滅力伊靈改撒始遣使來獻鞍馬刀劍  
真珠言其國甚寒土屋無瓦產金銀珠錦獨峰駝樂有  
箜篌壺琴小箏篳篥鼓不尚戰鬪云

流求國在泉州之東有海島曰澎湖烟火相望其國塹  
柵三重環以流水植棘爲藩以刀稍弓矢劍鼓爲兵器  
眎月盈虧以紀時無他奇貨商賈不通厥土沃壤無賦  
斂有事則均稅旁有毗舍邪國語言不通袒裸盱眙殆  
非人類淳熙間國之酋豪嘗率數百輩徃至泉之水灣  
圍頭等村肆行殺掠喜鐵器及匙筯臨敵用標鎗繫繩  
十餘丈爲操縱蓋惜其鐵不忍棄也不駕舟楫惟縛竹

爲筏急則羣舁之泅水而遁

定安國本馬韓之種爲契丹所攻破其酋帥糾合餘衆保于西鄙建國改元自稱定安國開寶三年其國王烈萬華因女真遣使入貢乃附表貢獻方物太平興國中太宗方經營遠略討擊契丹因降詔其國令張椅角之勢其國亦欲依王師以據宿憤得詔大喜六年冬會女真遣使來貢附表來上答以詔書端拱淳化中復因女真使表獻其後不復至

渤海本高麗之別種唐高宗平高麗徙其人居中國則天萬歲通天中契丹攻陷營府高麗別種大祚榮走保

遼東睿宗以爲急汗州都督封渤海郡王因自稱渤海國倂有扶餘肅慎等十餘國歷唐梁後唐朝貢不絕後唐天成初爲契丹阿保機攻扶餘城下之改扶餘爲東丹府命其子突欲留兵鎮之阿保機死渤海王復攻扶餘不能克歷長興清泰遣使朝貢周顯德初其酋豪崔烏斯等三十人來歸其後隔絕不能通中國太平興國四年太宗平晉陽移兵幽州其酋帥大鸞河率小校李勛等十六人部族三百騎來降以鸞河爲渤海都指揮使六年將征契丹賜烏舍城淨渝府渤海琰府王詔諭以勸力雪恥明年春宴大明殿因召大鸞河慰撫之

日本國者本倭奴國也後漢始朝貢雍熙元年日本國  
僧裔然與其徒五六人浮海而至獻銅器十餘事并本  
國職貢今王年代紀冬一卷問其風土云國中有五經  
書及佛經白居易集並得自中國土宜五穀而少麥交  
易用銅錢文曰乾文大寶畜有牛羊多犀象產絲蠶樂  
有國中高麗二部國之東境接海島夷人所居身面皆  
有毛東與州產黃金西別島出白銀以爲貢賦文武僚  
吏皆世官其所記略云初主號天御中主次曰天村雲  
尊其後皆以尊爲號至彥瀲尊凡二十五世竝都於筑  
紫日向宮彥瀲第四子號神武天皇入居大和州橿原

宮卽位元年甲寅當周僖王時也自是皆以天皇爲號  
傳至符平天皇卽今王也凡六十四世國有五畿七道  
三島凡三千七百七十二郡四百一十四驛八十八萬  
三千三百二十九課丁皆旡然所記云太宗召見旡然  
存撫甚厚賜紫衣上問其國王一姓傳繼臣下皆世官  
因歎息謂宰相曰此島夷耳乃世祚遐久其臣亦繼襲  
不絕蓋古之道也中國自唐季之亂寓縣分裂五代享  
歷尤促大臣世胄鮮能嗣續朕雖德慙往聖常夙夜寅  
畏講求治本亦以爲子孫之計使大臣之後世襲祿位  
此朕之心焉明年歸其國後數年遣其弟子奉表來謝

略云傷鱗入夢不忘漢主之恩枯骨含歡猶亢魏氏之  
敵雖云羊僧之拙誰忍鴻禧之誠陛下惠溢四溟恩高  
五嶽世超黃軒之古人直金輪之新裔然空齋鳳凰之  
窟更還螻蟻之封縱紛百年之身何報一月之惠染筆  
拭淚伸紙搖魂不勝慕恩之至稱其本國永延二年實  
端拱元年也又別啓貢佛經及方物天聖四年十二月  
明州言日本國太宰府遣人貢方物而不持本國表詔  
却之其後亦未通朝貢熙寧五年有僧誠尋至台州止  
天台國清寺願留州以聞詔使赴闕誠尋獻方物神宗  
以其遠人而有戒業處之開寶寺盡賜同來僧紫方袍

是後連貢方物而來者皆僧也乾道九年始附明州綱  
首以方物入貢淳熙二年倭船火兒滕大明毆鄭作死  
詔械大明付其綱首歸治以其國之法後日本之舟屢  
爲風所泊而至者竝振給遣歸

党項古析支之地漢西羌之別種後周世始强盛有細  
風氏費聽氏往利氏頗超氏野亂氏房當氏米禽氏拓  
拔氏最爲强族唐貞觀至上元間內附散居西北邊元  
和以後頗相率爲盜會昌初武宗置三使以統之在邈  
寧延者爲一使在鹽夏長澤者爲一使在靈武麟勝首  
爲一使五代亦嘗入貢今靈夏綏麟府環慶邕州鎮戎

天德振武軍並其族帳建隆二年代州刺史折也埋來  
朝也埋党項之大姓世居河右有捍邊功故授方州開  
寶元年直蕩族首領啜侏等引奔入寇爲王師所敗  
詔內屬羌部十六府大首領屈遇與十二府首領羅崖  
領所部誅啜侏啜侏懼以其族歸順以屈遇爲檢校太  
保歸德將軍羅崖啜侏前爲檢校司徒懷化將軍太平  
興國二年靈州部送歲市官馬略所過族帳物粗惡羌  
人志不受知州比部郎中張全操捕得十八人殺之沒  
入其兵仗羊馬戎人遂擾上遣使齎金帛撫賜其族與  
之盟始定全操決杖流登州沙門島是歲靈州通遠軍



界噪咩族折四族吐蕃村族柰渴三家族尾落族柰家  
族桑泥族剽略官綱詔靈州安守忠通遠軍董遵誨討  
平之雍熙初諸族渠帥附李繼遷爲寇詔田仁朗王侁  
等相繼領兵討擊并賜麟府銀夏豐州及日利月利族  
敕書招諭之二年四月侁等破悉利諸族斬首三千六  
百餘級梟僞署代州刺史折羅遇并弟埋乞五月又破  
保寺保香族梟其首領埋也巳等五十七人又破保洗  
兩族降五十五族侁等又言麟州及三族砦羌人二千  
餘戶皆降酋長折御也等六十四人獻馬首罪願改圖  
自効爲國討賊遂與部下兵入濁輪川斬賊首五十級

酋豪二十人李繼遷及三族皆監押折御也皆遁去旋  
命內客省使郭守文亟往與王侁等同領邊事五月王  
侁李繼隆等又破銀州杏子平東北山谷內沒邵浪悉  
訛等族及濁輪川東兔頭川四諸族招降千四百五十  
二戶六月夏州尹憲等引兵至監城吳移越移等四族  
來降憲等撫之岌伽羅賊十四族拒命憲等縱兵斬首  
千餘級又降銀麟夏等川三族皆諸部一百二十五族  
合萬六千一百八十九戶酋豪折御也窮蹙來歸守文  
置部下又夏州咩族魔病人乜崖在南山族結黨爲  
寇招懷不至擒之梟首徇衆并滅其族淳化元年藏才

三族都判啜尾卒其子啜香來請命乃令代其父二年  
七月以黃也族降戶七百餘散于銀夏州舊地處之十  
一月繼遷寇熟倉族刺史咩唃率來離諸族擊退之四  
年鄭文寶獻議禁青鹽羌族四十四首領引兵入寇詔  
弛其鹽禁由是部族寧息五年六月繼遷所驅脅內屬  
戎人橐駝路熟藏族首領也遇率部族反攻繼遷其弟  
力戰而死旣敗繼遷之衆復來歸附以遇爲檢校司空  
領會州刺史至道二年三月以府州界五族大首領折  
突厥移爲安遠大將軍父死來請命也六月勒浪族副  
首領遇兀等百九十三人歸附貢馬七匹遇兀舊隸契

丹淳化初遷族帳於府州界至是始朝貢上召問慰勞  
賜袍錦銀帶遇元言部族多良馬今始來朝所貢未備  
上曰吾嘉爾忠順之節慕化來歸固不以多馬爲意也  
咸平元年十月元泥族大首領昭州刺史黃羅對于崇  
德殿元泥族領族帳千五百戶初隸繼遷俄投府州淳  
化中數敗契丹及與繼遷相攻擊繼遷內附黃羅懼北  
徙過黃河今還舊地遂入貢且言繼遷旣受朝命不敢  
侵伐上面加獎慰賜賚甚厚四年九月環州言繼遷所  
掠羌族嵬逋等徙帳來歸又繼遷諸羌族明葉示及撲  
咩訛猪等首領率屬內附並令給善地處之五年咩逋

族開道使費州刺史泥埋遣子城逋入貢上嘉泥埋數  
與繼遷戰聞有勞授錦州團練使其餘授官有差六年  
三月以咩逋族首領泥埋領鄯州防禦使充靈州河外  
五鎮都巡檢使時潘羅支已授河西節制上以泥埋實  
與羅支倚角捍賊故加恩寵四月繼遷寇洪德砦酋長  
慶香與訛鰲慶族合勢擊之以砦兵策援大敗繼遷上  
悉與所獲物加賜銀綵以慶香領順州刺史訛鰲慶領  
羅州刺史景德元年正月麟府路言附契丹戎人言泥  
族拔黃太尉率三百餘帳內屬詔府州厚賜茶綵給公  
田依險居之二年原州野裡族首領廝多逋丹卒其子

阿酌代爲首領乞奉料詔諭有功則賜三年十一月鎮  
戎軍曹瑋言叛去酋長蘇尚娘復求歸附詔不許曰尚  
娘反覆無信恐誤邊吏又使德明緣此爲詞也大中祥  
符二年六月麟府鈐轄言杜慶族依援唐龍鎮數侵別  
帳請發熟戶兵合擊上曰戎落皆吾民宜以道撫之四  
年藏才西族中族首領奴移橫全等竝遣了來朝七年  
涇原鈐轄曹瑋請署熟戶百帳以上大首領爲大族軍  
主次指揮使次副指揮使百帳而下爲本族指揮使從  
之天禧四年五月環州七曰族軍主近臘納質歸化以  
近臘領順州刺史首領惹都等十五人補官有差

吐蕃本漢西羌之地或云南涼禿髮利鹿孤之後其子孫以禿髮爲國號語訛故謂之吐蕃唐大中五年其國沙州刺史張義潮以瓜沙伊肅十一州來獻唐末瓜沙之地復爲所隔然而其國亦自衰弱族種分散自儀渭涇原環慶及鎮戎秦州暨于靈夏皆有之各有首領內屬者謂之熟戶餘謂之生戶事具唐書五代史建隆二年靈武五部以橐駝良馬致貢秦州首領尚波千傷殺采造務卒知州高防捕繫其黨四十七人以狀聞上乃以吳廷祚爲雄武軍節度代防安輯之尚波千等感悅是年秋乃獻伏羌地太平興國中秦州諸族數來寇略

太宗詔諭曰豈朕信之未孚而吏撫之不至並蠲累咎  
特示威懷後又謂宰相曰以國家兵力雄盛聊舉偏師  
便可驅逐數千里外但念其種類蕃息安土重遷倘因  
懷除必致殺戮所以置於度外存而勿論也淳化五年  
知秦州溫仲舒上言每歲伐木多爲蕃族攘奪今已驅  
其部落於渭北太宗慮生邊患乃以知鳳翔薛惟吉對  
易其任咸平元年十一月河西軍左廂副使歸德將軍  
折逋游龍鉢來朝游龍鉢四世受朝命爲酋雖貢方物  
未嘗自行今始至獻馬二千餘匹河西軍卽古涼州舊  
領姑臧神鳥蕃禾昌松嘉麟五縣城周回十五里相傳



李執舊治也皆龍鉢自述云詔以龍鉢爲安遠大將軍  
四年知鎮戎軍李繼和言西涼府六谷都首領潘羅支  
願戮力討繼遷請授以刺史仍給廩祿經略使張齊賢  
又請封六谷王兼招討使上以問宰相皆曰羅支已爲  
酋帥授刺史太輕未領節制加王爵非順招討使號不  
可假外夷乃以爲鹽州防禦使兼靈州西面都巡檢使  
六年原渭蕃部三十二族納質來歸羅支又遣蕃官吳  
福聖臘來貢表言感朝廷恩信憤繼遷屈彊已集騎兵  
六萬乞會王師收復靈州乃以羅支爲朔方軍節度靈  
州西面都巡檢使賜以鎧甲器幣又以吳福聖爲安

遠將軍次首領元佐等七人爲懷化將軍十一月繼遷  
攻西蕃遂入西涼府知州丁惟清陷沒羅支僞降未幾  
集六谷諸豪及者龍族合擊繼遷繼遷大敗中流矢遁  
死景德元年二月來獻捷六月又遣其兄邦逋支入奏  
且欲更率部族及回鶻精兵直抵賀蘭山討除殘孽願  
發大軍援助詔從之先是繼遷種落迷般囑及日逋吉  
羅丹二族亡歸者龍族而欲陰圖羅支是月會遷黨攻  
者龍羅支率百餘騎急赴將議合擊遂爲二族戕于帳  
詔贈羅支武威郡王遣使贈恤其家者龍凡十三族而  
六族附迷般囑及日逋吉羅丹西涼府聞羅支遇害乃

率龕谷蘭州宗哥覓諾諸族攻者龍六族六族悉竄山谷中詔使者安集之六谷諸豪乃議立羅支弟廝鐸督爲首領且言鐸督剛決平恕數更戰討威名甚著詔授鐸督鹽州防禦使靈州西面沿邊都大巡檢使上以遷黨未平籍其腹背攻制遂加鐸督朔方軍節度押蕃落等使西涼府六谷大首領渭州言龕谷懶家族首領尊璉磨壁余龍及便囑等獻名馬願率所部助討不附者又言河西諸蕃四十五族內附其年遷黨寇未樂爲藥令族合蘇擊敗之斬首百餘級二年廝鐸督遣其甥呵昔來貢仍上與趙德明戰鬪功狀又言蕃帳周斯那支

有智勇久叅謀議請授以六谷都巡檢使上嘉獎從其  
請仍賜茶絲又追錄潘羅支子失吉爲歸德將軍厚賜  
器幣者龍七族首領有捍寇之勞並月給千錢舊制弓  
矢兵器不入外夷時西涼樣丹族上表求市弓矢上以  
樣丹宣力西陲委以捍蔽特令渭州給賜因別賜斯鐸  
督以重恩意三年又以者龍族合窮波黨宗族業羅等  
爲本族首領檢校太子賓客皆鐸督外姻也五月鐸督  
言部落疾疫詔賜白龍腦犀角疏黃安息香白紫石英  
等藥使者感悅而去又制加鐸督檢校太傅其族帳李  
波逋等四十九人爲檢校太子賓客充本族首領九月

詔釋西面納質戎人先是諸蕃有鈔劫爲惡嘗經和斷者恐異時復叛故收其子弟爲質乃有禁錮終身者上憫而縱之族帳感恩皆稽顙自誓不爲邊患大中祥符五年八月曹瑋言伏羌砦廝雞波與宗哥族李磨論聚爲文法領兵趣之悉潰散夷其城帳天禧元年十月秦州部署言鬼留家族累歲違命討平之二年又言吹麻城及河州諸族皆破宗哥文法來附唃廝囉少衰數爲囉瞎力骨所困今還舊地諸砦羌族及空俞廝雞波等納質者凡七百五十六帳

唃廝囉者緒出替普之後本名欺南陵溫錢逋錢逋猶

贊普也訛爲錢逋生高昌磨榆國旣十二歲河州羌何  
郎業賢客高昌見磨囉貌奇偉挈以歸置剗心城而大  
姓聶昌廝均又以廝囉居移公城欲於河州立文法河  
州人謂佛喃謂兒子廝囉自此名喃廝囉於是宗哥僧  
李立遵邈川大酋溫逋哥略取廝囉如郭州尊立之部  
族寢彊乃徙居宗哥城立遵爲論逋佐之論逋者相也  
立遵貪且喜殺戮國人不附旣與曹瑋戰三都谷不勝  
又襲西涼爲所敗廝囉遂與立遵不協更徙邈川以溫  
逋哥爲論逋有勝兵六七萬與趙德明抗希望朝廷恩  
命知秦州張佖奏請拒絕涇原鈐轄曹瑋上言宜厚喃

斯囉以扼德明而立遵屢表求贊普號朝議以贊普戎  
王也立遵居斯囉下不應多予乃用斯鐸督恩例授立  
遵保順軍節度使大中祥符八年斯囉立文法聚衆數  
十萬請討平夏以自效上以戎人多詐或生他變命周  
文質監涇原軍曹瑋知秦州兼兩路沿邊安撫使以備  
之明道初卽授斯囉寧遠大將軍愛州團練使授逋哥  
歸化將軍已而逋哥爲亂囚斯囉置弇中出收不附已  
者守弇人間出之斯囉集兵殺逋哥徙居青唐景祐中  
以斯囉爲保順軍節度觀察留後數以奇計破元昊遂  
不敢窺其境寶元元年加保順軍節度使仍兼邈川大

首領時以元昊反累詔諭廝囉使背擊元昊以披其勢然終不能有大功後累加恩兼保順河西節度使洮涼兩州刺史又加階勛檢校官功臣食邑治平二年冬廝囉死年六十九其三子董氈嗣

董氈母曰喬氏廝囉三妻也董氈自九歲請朝命爲會州刺史其二妻皆李立遵女生瞎氈及磨氈角李氏寵衰斥爲尼置郭州其子結母黨李巴全竊載其母奔宗哥磨氈角因撫有其衆累奉貢歷授思州團練使卒所部立其子瞎撒欺丁嘉祐三年命欺丁爲順州刺史瞎氈居龕谷亦屢通貢授涇州團練使先卒子木征居河



州母弟瞎吳叱歸銀川廝囉地既分董氍最彊獨有河北之地其國大抵吐蕃遺俗也貢獻謂之般次自言不敢有貳則曰心白向漢云初廝囉死董氍嗣爲保順軍節度使檢校司空神宗卽位加太保進太傅熙寧元年封其母安康郡太君以其子藺逋比爲錦州刺史三年夏人寇環慶董氍乘虛入其境大克獲賜璽書袍帶獎激之王韶既定熙河其首領青宜結鬼章寇河州踏白城景思立死焉帝命邊臣招來之十年以鬼章及阿里骨皆爲刺史董氍貢方物改西平節度使方鬼章犯境時列帳訥兒溫及祿尊率部族叛附之既來降又陰與

董氈通元豐初詔知岷州种諤集酋長斬之以妻女田  
產賜降將俞龍呵四年王師討夏會其兵董氈由常樂  
郡公進封武威郡王鬼章阿里骨党令支皆團練使心  
牟欽氈阿星李叱臘欽爲刺史知邈川事力固不足與  
夏人抗但欲解散其謀而已故終不能大有功哲宗立  
加檢校太尉未幾卒蘭逋比已死養子阿里骨嗣

阿里骨本于闐人少從其母給事董氈故養爲子元豐  
蘭州之戰最有功進至防禦使既嗣事遣使脩貢元祐  
元年爲河西軍節度使封寧塞郡公里骨頗峻刑詔飭  
諭之二年遂逼鬼章使率衆拒洮州羌結藥密者使所

部怯陵來告里骨執怯陵結藥密懼携妻子南歸鬼章  
又使其子結瓦齮入寇八月鬼章就擒檻送京師尋赦  
之授陪戎校尉遣居秦州聽招其子以自贖明年里骨  
奉表謝罪詔熙河無復出兵許貢奉如故加金紫光祿  
大夫檢校太保紹聖三年卒年五十七子瞻征嗣

瞻征卽邦彪錢也紹聖四年爲河西軍節度使檢校司  
空寧塞郡公性嗜殺部曲睽貳大酋心牟欽氈之屬有  
異志忌其季父蘇南党征雄勇多智共誣其謀逆瞻征  
殺之盡誅其黨獨錢羅結逃奔溪巴溫溪巴溫者董氈  
䟽族也錢羅結奉溪巴溫長子杓撥據溪哥城瞻征討

殺杓援鐵羅結奔河州說王贍以取青唐之策已而溪  
巴溫入溪哥城自稱王于元符二年七月贍取邈川八  
月贍征自青唐脫身來降欽顓迎溪巴溫入青唐立本  
征之子隴拶爲主九月贍軍至青唐隴拶出降以邈川  
爲湟州青唐爲鄯州二酋雖降然其種人本無歸漢意  
議者謂不先修邈川以東城障而遽取青唐非計也青  
唐不可守者有四道險地遠聲援不相及一也羌若斷  
橋塞隘我雖有百萬之師倉卒不能進二也孤軍無援  
必生他變三也內地無糧可運難以久處四也官軍自  
會州還者皆憔悴衣履穿決器仗不全羌視之有輕漢

心旦夕必叛逾月欽氈等果與青唐城中人相結謀復奪城山南諸羌亦叛贍遣將破之戮結𠵽齮及欽氈等九人青唐圍解而邈川益急夏人十萬助之總管王愍以死戰固守乃得免贍棄青唐歸溪巴溫與其子溪賒羅撒據之朝諭請并棄邈川且謂董氈無後隴拶乃木征之子唃廝囉嫡曾孫最親於是以隴拶爲河西軍節度使知鄯州封武威郡公充西蕃都護依府州折氏世世承襲尋賜姓名曰趙懷德其弟邦辟勿丁𠵽曰懷義爲廓州團練使同知湟州加贍征校尉太傅懷遠軍節度使三年三月懷德入見徽宗命輔臣問何以招致溪

巴溫對曰辟

乳牛繫其子卽母須來繫其乳卽子須

來俟至岷州

遣人往諭使之歸漢遂與瞎征俱還

州溪賒羅

瞎襲殺懷德懷德奔河南瞎征不自安求

內徙詔居鄧州崇寧元年卒三年王厚復

傳懷德至京師拜感德軍節度使封安化郡王

趙思忠卽瞎氍之子木征也青唐族酋迎居洮州欲立

以復洮岷黑雲宕武勝軍諸羌秦州以其近邊逐之乃還

河州後徙安江城弟瞎吳叱別居銀川有韓家山至和

初補本族副軍主嘉祐中河州刺史王韶遣僧智圓往

說之啖以厚利因隨以兵前後殺其老弱數千焚族帳

萬數得腹心酋領十餘人又禽其妻子皆不殺遂以熙寧七年四月舉洮河二州來降賜以姓名拜榮州團練使封其母妻弟董合賜名繼忠補六宅副使結吳延征賜名濟忠瞎吳叱曰紹忠巴氈角曰醇忠巴氈抹曰存忠長子邦辟勿丁呪曰徙義次蓋况曰秉義皆超拜官以思忠爲秦州鈐轄不蒞事而乞主熙河羌部經略司以爲不可詔以二州給地五十頃後遷合州防禦使卒贈鎮洮軍節度觀察留後

宋史新編卷二百

列傳一百四十二終

明南京戶部主事莆田柯維騏著

蠻夷

楚粵巴黔諸蠻椎髻跣足涉險如鶩所居依疊嶺叢林  
爲固無君長以材力相雄勇於戰鬪至推刀父子兄弟  
先王禽獸視之謂之要服云後世版圖盡西南之疆而  
諸蠻錯處往往款附而州郡之然叛服無常時肆鈔略  
勞王師彼其趨悍之性易動於惡矧鎮撫者失其職而  
啓之釁哉是故善制御者不役其人不征其賦樹之酋  
長聊羈縻焉蓋服遠者先自近堂上不糞曷瞻郊草曠





等擊破之歷晉宋齊梁陳或叛或服隋置辰州唐置錦  
州溪州巫州敘州皆其地也唐季之亂蠻酋分據其地  
自署爲刺史晉天福中馬希範承襲父業據有湖南時  
蠻徭保聚依山阻江殆十餘萬至周行逢時數出寇邊  
逼辰永二州殺掠民畜無寧歲宋太祖旣下荆湖擇徭  
人爲蠻黨所伏者得秦再雄擢爲辰州刺史予一州租  
賦再雄訓練土兵得三千人皆能被甲渡水歷山飛塹  
捷如猿猱又選親校二十人分使諸蠻諭旨莫不風靡  
各得降表以聞太祖大喜改辰州團練使再雄盡瘁邊  
圉五州連袤數千里不增一兵不費帑庾終太祖世邊

境無患其後諸州多歸順者太平興國八年錦溪敘富  
四州蠻相率詣辰州言願比內郡輸租稅不許咸平五  
年夔州路轉運使丁謂言溪蠻入粟實邊頓省饋餉臣  
觀自昔和戎安邊未有境外轉糧給我戍兵者先是中  
國嚴鹽禁故蠻人數擾上詢知其情乃詔諭丁謂傳告  
羣蠻感悅因相與盟約不爲寇鈔負約者衆殺之且曰  
天子濟我以食鹽我願輸與兵食自是邊穀有三年之  
積初益州軍亂議者恐緣江下峽乃集施黔高溪蠻豪  
子弟捍禦羣蠻因熟漢路寇掠而歸丁謂等至卽召與  
盟今還漢口六年有生蠻違約謂遣兵擒獲六百餘人

奪還漢口四百餘人焚其室廬皆震懼伏罪謂乃置尖  
木砦施州界以控扼之自是寇鈔始息邊溪峒田民得  
耕種大中祥符元年夔州路言五團蠻嘯聚謀劫高州  
欲令暗利砦援之上以蠻夷自相攻不許發兵六年辰  
州溪峒都指揮使魏進武率山徭數寇城砦朝廷不欲  
發兵窮討降詔招諭七年進武詣吏請罪天禧二年知  
辰州錢絳等入下溪州破砦柵斬蠻六十餘人刺史彭  
儒猛亡入山林執其子仕漢等赴闕儒猛自訴求歸詔  
辰州召與歆血要盟遣之富州刺史向通漢上五溪地  
理圖願留京師上嘉之特授檢校太傅本州防禦使還

賜疆土署其子光澤等三班職名通漢再表欲留京師  
不允乃爲光澤等求內地監臨從之三年通漢卒以其  
子光憲知州事其後光澤不爲親族所容上表納土上  
察其意不許初北江蠻酋最大者曰彭氏世有溪州州  
有三曰上中下溪又有龍賜天賜忠順保靜感化永順  
州六懿安遠新給富來寧南順高州十一總二十州皆  
置刺史而以下溪州刺史兼都誓主十九州皆隸焉謂  
之誓下州將承襲都誓主率羣酋合議于孫若弟姪親  
黨之當立者具州名移辰州爲保證申鈐轄司以聞乃  
賜敕告印符受命者隔江北望拜謝州有押寨副使及

校吏聽自補置彭氏自允殊文勇儒猛相繼爲下溪州  
刺史至仕漢爲殿直留西京後輒遁歸天聖初以狀白  
辰州自言父老兄亡潛歸本道願放還家屬詔徙其家  
京師舍以官第未幾儒猛言仕漢逃歸誘羣蠻爲亂遣  
別子仕端等殺之朝廷嘉其忠降詔獎諭時儒猛爲檢  
校尚書右僕射特遷左僕射又以仕端爲檢校國子祭  
酒知溶州彭氏有文綰者知中彭州卽忠順州也三年  
儒猛攻殺文綰其子儒索率其黨九十二人來歸補儒  
索復州都知兵馬使餘官爲稟給五年儒猛死仕端命  
知下溪州明道初仕端死復命弟仕義爲刺史累遷檢

校尚書右僕射自允殊至仕義五世矣仕義有子師寶  
景祐中知忠順州慶曆四年以罪絕其奉貢蓋自咸平  
以來始聽二十州納貢歲有常賜蠻人以爲利有罪則  
絕之其後師寶數自訴請知上溪州皇祐二年始從其  
請朝貢如故旣而師寶妻爲仕義取去師寶忿恚至和  
二年與其子知龍賜州師黨舉族趨辰州告其父之惡  
將起爲亂於是知辰州宋守信等議率兵討伐以師寶  
爲鄉導兵至而仕義遁入他峒不可得俘其孥及銅柱  
而官軍戰死者十六七守信等皆坐貶自是蠻獠數入  
寇鈔邊吏不能制朝廷姑欲無事間遣吏諭旨許以改

過自歸嘉祐二年仕義乃歸所掠兵丁械甲率蠻衆七  
百飲血就降辰州亦還其孥及銅柱時師寶已死遣師  
黨歸知龍賜州戒勿殺自是仕義歲奉職貢然點鰲數  
盜邊熙寧三年爲其子師綵所弑師綵專爲暴虐其兄  
師晏攻殺之并誅其黨納誓表于朝乃命師晏襲州事  
五年詔進爲下溪州刺史賜母妻封邑章惇經制南北  
江湖北提點刑獄李平招納師晏誓下州峒蠻張景謂  
等各以其地歸版籍師晏遂降詔修築下溪州城并置  
砦於茶灘南岸賜新城名會溪新砦名黔安戍以兵隸  
辰州出租賦如漢民遣師晏詣闕授禮賓副使京東州



都監官其下六十有四人。是時天子方用兵以威四夷。湖北提點刑獄趙鼎言峽州峒首刻剝亡度蠻衆願內屬。辰州布衣張翹亦上書言南北江利害。遂以章惇察訪湖北經制蠻事。而南江之舒氏北江之彭氏梅山之蘇氏誠州之楊氏相繼納土。初立城砦使之比內地。爲王民。北江彭氏已見前。南江諸蠻自辰州達于長沙邵陽各有溪峒。曰敘曰峽曰中勝曰元則舒氏居之曰獎曰錦曰懿曰晃則田氏居之曰富曰鶴曰保順曰天賜曰古則向氏居之。皆受朝命。張翹言南江諸蠻雖有土六州之地。惟富峽敘僅有千戶。願先招富峽二州。俾納

土則餘州自歸并及彭師晏之孱弱皆可郡縣詔下知  
辰州劉策商度策請如翹言熙寧五年以石鑑爲湖北  
鈐轄兼知辰州且助章惇經制明年富州向晤等來歸  
順獨田氏有元猛者頗桀驁難制異時數侵奪舒向二  
族地惇進兵破懿州南江州峒悉平遂置沅州以懿州  
新城爲治所尋又置誠州元祐初傅堯俞王巖叟言沅  
誠州刱建以來設官屯兵布列砦縣募役人調戍兵費  
鉅萬公私騷然荆湖兩路爲之空竭又自廣西融州刱  
開道路達誠州增置潯江等堡其地無所有湖廣移賦  
以給一方民不安業願斟酌廢置朝廷以沅州建置至

是十五年蠻情安習已久但廢誠州爲渠陽軍而沅州  
仍爲郡云旣而諸蠻復叛朝廷方務休息痛懲邀功生  
事詔諭湖南北及廣西路曰國家疆理四海務在柔遠  
頃湖廣諸蠻近漢者無所統壹因其請吏量置城邑以  
撫治之邊臣邀功獻議剽通融州道路侵逼峒穴致生  
疑懼朝廷知其無用旋即廢罷邊吏失於撫遏遂爾扇  
搖其叛酋竝免追討諸路所開道路剽置堡砦竝廢自  
後五溪郡縣棄而不問崇寧以來開邊拓土之議復熾  
於是安化上三州及諸酋各願納土輸貢賦又令廣西  
招納左右江四百五十餘峒宣和中議者以爲招致熟

羌接武請吏竭金帛繒絮以啗其欲捐高爵厚奉以徇  
其心開辟荒蕪草剏城邑張皇事勢僥倖賞恩入版圖  
者存虛名充府庫者亡實利不毛之地旣不可耕狼子  
野心頑冥莫革建築之後西南夷獠交寇而溪峒子蠻  
亦復跳梁士卒死於干戈官吏沒於王事肝腦塗地往  
往有之以此知納土之議非徒無益而又害之所由生  
乃詔悉廢所置州郡其餘諸蠻自乾興以來或叛或  
服其類不一有蠻徭者居山谷間其山自衡州常寧縣  
屬于桂陽郴連賀韶四州環紆千餘里蠻居其中不事  
賦役謂之徭人慶曆三年出桂陽藍山縣華陰峒害巡

檢李延祚都監張克明事聞擢楊旼提點刑獄督攻討  
事久之不克遂詔招撫始於湖南置安撫司四年冬知  
潭州劉沆招降二千餘人五年春餘黨唐和等復內寇  
詔沆等便宜從事沆檄楊旼等八路入討覆蕩巢穴然  
唐和等猶未平是冬復入寇殺將校沆旼坐黜以劉夔  
代沆爲安撫使夔言唐和等浸爲邊患願以詔書招安  
就補溪峒首領詔可是時湖湘騷動兵不得息明年夏  
仁宗謂輔臣曰官軍久戍南方夏秋之交瘡痍爲虐其  
令太醫定方和藥遣使給之唐和之屢寇也朝廷初議  
討除招安二策旣而以知桂陽監宋守信奏大發兵討

之其衆果懼遁入郴州黃莽山由趙峒轉寇英韶州依山自保是冬帝閔士卒暴露復諭執政密戒主帥安恤七年唐和遣其子執要領詣官自言願貸糧米居所保峒中時楊畋復爲湖南鈐轄詔趨連韶州山下與廣南東西轉運使共告諭之使以兵械上官質其親屬詔補唐和盤知諒等五人爲峒主授銀青光祿大夫檢校國子祭酒兼監察御史武騎尉知諒等蓋唐和黨也至冬其衆悉降紹興六年知鼎州張翬言事宜詔荆湖北路帥司相度帥司是翬議言營田四州舊置弓弩手練習武事散居邊境平居事耕作緩急備戰守靖康調援河

東全軍陷沒今辰沅澧靖等州乏兵防守竊慮蠻夷生  
變叵測若將四州弓弩手減元額定爲三千五百人分  
處要害量給土田以所餘閒田募人耕作歲收其租其  
於邊防財賦兩得其便詔從之二十四年禽楊正修及  
其弟正拱鞠治斬之初正修侍其父再興入覲獻還省  
民疆土遂命以官建炎後與弟正拱率九十團峒徭人  
出武岡軍縱火殺掠民財爲亂紹興間潭州帥司嘗招  
徠之後復作亂屢抗官軍至是伏誅乾道元年宜章峒  
賊李金陷郴州焚桂陽軍州將棄城遁世忠峒李昂霄  
者率壯丁禦賊民恃以安湖南提舉常平鄭丙請發鄂

諸軍討平之三年靖州界徭人姚明教等作亂詔荆鄂駐劄明椿選將率精銳千人會屯戍官合擊之十一月南郊禮成詔緣邊溪峒反側逃竄者竝加寬宥能復業者罪一切置不問互市如故悉聽其便守臣常加撫問以稱綏遠之意六年盧陽西槧獠楊添朝寇邊知沅州孫叔傑調兵數千討之敗績死者十七八初徭人與省戶交爭殺二人死叔傑輒出兵破其十三柵奪還所侵地於是徭人相結爲亂宰臣虞允文奏曰蠻夷爲變皆守臣貪功所致今徭人仇視守臣若更去叔傑量遣官軍示以兵威徐與盟誓自可平定帝允其奏俾葉行代



叔傑遂招降之八年孝宗問左右曰靖隸湖北今聞仰  
給廣西何也趙雄對曰靖州本溪峒神宗時剏爲誠州  
元祐間廢尋復爲軍徽宗朝始改靖州與桂府爲鄰故  
令廣西給其金穀之費近歲漕司匱乏乃責辦諸州以  
故不能如約宜復舊制俾廣西漕臣如期饋運靖州屯  
戍官兵聽守臣節制於事爲便帝從之十年四月全州  
上言本州密邇溪峒山徑非止一途遊民惡少之棄本  
者商旅之避征稅者盜賊之亡命者往往由之以入萃  
爲淵藪交相鼓扇深爲邊患爲今計者宜徙閒地巡檢  
兵及分遣士卒屯諸溪谷山徑間俾湖南北廣西帥憲

總其役庶幾事權有歸號令可行也嘉定元年郴州黑風峒徭人羅世傳寇邊飛虎統制邊寧戰沒江西湖南驚擾知隆興趙希懌知潭州史彌堅共招降之二年李元礪羅孟二寇江西攻破龍泉縣李再興戰敗死之江州駐劄都統制趙選亦戰死其後命工部侍郎王居安知豫章擒獲之溪峒略平七年臣僚上言辰沅靖三州之地多接溪峒其居內地者謂之省民熟戶山徭峒丁乃居外爲捍蔽其初匿處詳密立法行事悉有定制峒丁等皆計口給田多寡闊狹疆畔井井擅鬻者有禁私易者有罰一夫歲輸租三斗無他繇役故皆樂爲之用

邊陲有警衆庶雲集爭負弩矢前驅出萬死不顧比年  
防禁日弛山徭峒丁得私售田田之歸於民者常賦外  
復輸稅公家因資之以爲利故謾不加省而山徭峒丁  
之常租仍虛掛版籍責其償益急往往不能聊生反寄  
命徭人或導其入寇爲害滋甚宜敕湖廣監司檄諸郡  
俾循舊制毋廢庶邊境綏靖而遠人獲安也

梅山峒蠻舊不與中國通其地東接潭南接邵其西則  
辰其北則鼎澧而梅山居其中開寶以來往往寇掠邊  
界招諭不聽太宗討平之嘉祐末湖南轉運副使范千  
奇奏蠻恃險爲邊患宜臣屬而郡縣之熙寧五年乃詔

章惇等招納惇遣喬執中知全州而大田諸蠻納款遂檄諭開梅山蠻徭爭闢道路以待得其地東起寧鄉縣司徒嶺西抵邵陽白沙砦北界益陽四里河南止湘鄉佛子嶺籍其民得主客萬四千八百九戶萬九千八百九丁田二十六萬四百三十六畝均定其稅築武陽開峽二城詔以山地置新化縣并二城隸邵州

誠徽州唐溪峒州宋初楊氏居之號十峒首領以其族姓散掌州峒太平興國中首領楊蘊始內附楊通寶始入貢命爲誠州刺史元豐三年知邵州關杞請於徽誠則融嶺擇要害地築城砦以絕邊患從之元祐二年廢

誠州爲渠陽軍有楊晟臺者乘間寇文村堡知渠陽軍胡田措置亡術蠻結西融州蠻若栗仁催往來兩路爲民患朝廷方務省事廢堡砦徹戍守而以其地予蠻乃復以渠陽爲誠州擇授土官崇寧初改誠州爲靖州

南丹州蠻亦溪峒之別種也地與宜州及西南夷接壤開寶以來酋帥莫洪誓始求內附歲入貢雍熙四年洪誓族人知寶隆鎮莫淮閭誘羣蠻爲寇知宜州侯汀失於備禦坐免官詔諭安土厚生保境延世或尚恣於陸梁當盡勦其族類自是不復爲寇洪誓卒其弟洪皓襲稱刺史洪皓卒長子淮勅襲父任俄爲弟淮迪攻南丹

州淮勅帥屬來奔真宗詔宜州賜閒田資給之後淮迪老自言願傳其子世漸仁宗從之以淮迪爲懷遠大將軍致仕世漸爲刺史檢校工部尚書又以故事補親黨數十人爲檢校官世漸死命其子公帳襲之有世忍者亦淮迪子也初率其屬人內附治平初逃歸攻殺公帳奪其地自首請於朝廷願授刺史如其請神宗時徭賊殺人世忍執以獻大軍討安化世忍獻弓矢自言願世爲外臣脩貢不懈遷至檢校戶部尚書世忍死子公佺襲大觀元年廣西經略使王祖道以公佺拒命擒而殺之改南丹爲觀州以都巡檢劉惟忠守之詳見祖道

傳公佞之死人以爲冤其弟公晟結溪峒圖報復連歲  
攻圍觀州惟忠中傷死繼以黃璘亦以疾告罷其後遂  
棄而不守高宗謂朱勝非曰前日用事之臣貪功生事  
公爲欺罔其實勞民費財使遠俗不安也又用廣南經  
略安撫使劉彥適言以公晟知南丹州兼溪峒都巡檢  
使提舉盜賊公事紹興二十四年公晟始貢馬率諸蠻  
來歸遂以延沈襲公晟職是年廣西經略安撫使呂愿  
中諭降諸蠻三十一種皆爲羈縻州縣云後延廩延襲  
延廩相繼襲職知南丹州事嘉泰五年襲延廩職者其  
子光熙也

撫永州在宜州南有縣四曰撫水曰京水曰多逢曰古勞唐隸黔南酋皆蒙姓同出有上中下三房及北遐一鎮民則有區廖潘吳四姓亦種水田採魚其保聚山險者雖有畚田收粟甚少但以藥箭射生取鳥獸盡卽徙他處地曰帚洞五十里至前村川原稍平合五百餘家夾龍江居種稻似湖湘中有樓屋戰棚衛以竹柵卽其酋所居善爲箭中者信宿死得邕州藥解之卽活雍熙以來叛服無常咸平四年酋蒙瑛等來納兵器毒箭誓不復犯邊祥符末復叛數入寇詔招撫猶拒命帝以轉運使俞獻可請詔曹克明爲宜融等州都巡檢安撫使



王文慶等爲都監上意其道險難進師第令設方略撫  
之二人請便宜掩擊乃領兵徑入連破之追斬殆盡克  
明等知其窮蹙乃曉諭恩信許以改過於是會蒙承貴  
等面縛詣軍自首軟血立誓自言奴山摧倒龍江西流  
不敢復叛克明等師還宜州蠻人納器甲凡五千數願  
遷還漢地者七百餘口詔分置廣西及荊湖州軍給以  
田糧凡立功使臣將士遷補賜賚者千八百人承貴因  
請改州縣名以固歸順之意詔以撫水州爲安化州撫  
水縣爲歸仁縣京水縣爲長寧縣寶元元年其黨復入  
寇融宜州至殺運糧官吏踰年乃平慶曆嘉祐中屢以

方物入貢熙寧初土人羅世念等復構亂大發兵討之  
明年世念等出降各拜官崇寧二年其酋蒙光有爲寇  
未幾以三州一鎮戶口六萬一千來上乾道以後宜州  
蠻莫才都等安化蠻蒙光漸等往往猖獗或討平或招  
降又有融州屬蠻人立峒首領楊光朝等至和後請內  
附皆納之而王祖道開邊諸蠻納土隸黔南所謂平州  
者初亦屬融州紹興三年廣南東西路宣諭使明棗請  
罷平觀二州從之觀州卽南丹州事見前篇

廣源州蠻在邕州鬱江之源地產黃金丹砂俗推髻左  
衽輕死好亂其先首領韋黃周儂四姓相劫掠唐經略

使徐申厚撫之黃氏納質而十三部二十九州蠻皆定  
自交趾據安南廣源號羈縻州實服役於交趾有儂全  
福者知儂猶州其弟有祿知萬涯州妻弟儂當道知武  
勤州全福殺存祿當道并有其地交趾執以歸其妻阿  
儂遂嫁商人生子名智高因冒儂姓母又嫁特磨道儂  
夏卿父之智高復與其母出據儂猶州建國曰大曆交  
趾擒智高釋其罪使知廣源州又以雷火頻婆四洞及  
思浪州附益之居四年內怨交趾襲據安德州僭稱南  
天國改年景瑞皇祐中來貢不納智高遂招納亡命與  
廣州進士黃瑋黃師宓及其黨儂建侯儂志忠等謀入

一夕焚巢穴給其衆曰繕聚已盡無以爲生計窮矣  
常按邕州據廣州以自王不則兵死四年四月率衆下  
千沿鬱江東下破邕州執知州陳珙及司戶參軍孔崇  
旦廣西都監張立害之僭號仁惠皇帝改年啓曆師宓  
以下皆稱中國官名是時天下乂安兵起倉卒守將多  
棄城遁故智高所嚮得志和繼破橫貴龔潯藤梧封康  
端九州害知封州曹覲知惠州趙師旦及監押馬貴餘  
殺官吏甚衆進圍廣州五十七日不克解去繇清遠濟  
江擁婦女作樂行遇張忠戰于白田忠死之去攻賀州  
不克夜害蔣偕于太平塲九月庚申破昭州害王正倫

等王館門十月破賓州復據三州大將陳曙擊之敗績  
宣撫使狄青斬曙以徇未幾智高爲青所敗焚城遁入  
大理事具青傳智高起幾年且踐一方如行無人之  
境吏民不勝其毒朝廷爲下赦人優除復百姓始得更  
生先是謠言農家種糴家收至日如其謠智高母有計  
謀攻陷城邑多用其策僭號皇太后性慘毒嗜小兒肉  
每食必殺小兒智高旣敗入保時磨依儂夏卿收殘衆  
三千餘人習騎戰復欲入寇至和初余靖督兵入特磨  
掩襲之獲其母及智高弟智光子繼宗繼封檻至京師  
未欲殺蓋以誘智高或傳智高死乃悉棄市旣而西川

徐英智高未死然智高卒不出存亡莫可知儂氏又有  
字山者知雷火洞稍桀黠嘉祐中嘗入寇後內屬久之  
知順安州而儂夏卿儂平儂亮亦自特磨來歸皆其族  
也治平中宗旦棄其州內徙命爲右千牛衛將軍廣源  
久爲劉紀所據熙寧末王師下廣源得紀以州爲順州  
元豐初還之語見交趾傳

有甲峒蠻者姓甲氏役屬交趾與李公蘊世爲婚姻最  
爲邊患蘇茂州蠻亦近邕州和嘉祐中皆嘗擾邊

黎峒唐故瓊管之地在大海南其地有黎母山黎人居  
焉舊說五嶺之南人雜夷獠水崖環海豪富兼兵役屬

貧弱婦人服縵績木皮

布陶土爲釜器用瓠瓢人

飲石汁又有椒酒以安石

花著甕中卽成酒俗呼山

嶺爲黎居其間者號曰黎

人其服屬州縣者爲熟黎其

居山峒無征徭者爲生黎

時出與郡人互市至和以來

亦時犯邊乾道九年藥昌

黎賊劫省民焚縣治爲亂

黎人王日存王承福陳顏

伯降之瓊管安撫司上其功

得借補承節郎淳熙元年

詔王日存子孫許襲職初三

十六峒都統領王氏居化

外世立邊功受封爵高宗朝

瓊山民許益爲亂王母黃

氏撫諭諸峒無敢從亂者以

功封宜人後黃氏年老無

子請以其女襲封孝宗詔從

之十二年樂會縣白沙峒黎人王邦佐等率衆爲寇殺掠官軍保義郎陳升之撫降其衆俘獲林智福等十六年詔以大寧砦貢弼補承信郎彈壓本界黎峒瓊管司言弼沉鷙有謀爲遠近推服故用之弼宜人黃氏姪也嘉定中詔王宜人女吳氏襲封統領諸峒

環州蠻區氏州隸宜州羈縻領思恩都毫二縣有區希範者思恩人也狡黠頗知書嘗舉進士試禮部後與其叔正辭應募從官軍討安化州叛蠻旣而希範擊登聞鼓求錄用仁宗下其事宜州而知州馮伸己言其妄編管全州正辭亦嘗自言功不報二人皆觖望希範後輒



遁歸與正辭率其族人及白崖山酋蒙趕荔波峒蠻謀  
爲亂將殺仲巳且曰若得廣西一方當建爲大唐國乃  
擇日殺牛建壇場祭天神推蒙趕爲帝正辭爲奉天開  
基建國桂正希範爲神武定國令公桂州牧又以區丕  
績爲宰相餘皆僞立名號補置四十餘人慶曆四年正  
月率衆五百破環州以環州爲武城軍又破帶溪砦下  
鎮寧州及普義砦有衆一千五百宜州捉賊李德用擊  
卻之明年轉運使杜杞大引兵至環州誘趕等出降給  
與盟置曼陀羅花酒中飲者皆昏醉擒之後數日又得  
希範醢以賜諸蠻績其五藏爲圖傳於世餘黨悉平

西南諸夷漢牂牁郡地唐置費珍莊琰播郎牂牁夷等州其地北距充州百五十里東距辰州二千四百里南距交州千五百里西距昆明九百里無城郭散居村落土熱多霖雨稻粟皆再熟無徭役隋大業末首領謝龍羽據其地勝兵數萬人唐末王建據西川由是不通中國後唐天成二年牂牁清州刺史宋朝化等來朝其後孟知祥據西川復不通朝貢乾德三年平孟昶五年知西南夷南寧州蕃落使龍彥瑫等遂來貢詔授彥瑫歸德將軍南寧州刺史蕃落使開寶四年彥瑫卒子漢瑋嗣詔襲父職太平興國五年夷王龍瓊瑋遣子并諸

州蠻七百四十四人以方物名馬來貢六年保州刺史  
董奇死以其子紹重繼之雍熙二年夷王龍漢璿自稱  
權南寧州事兼蕃落使遣牂牁諸州酋長來獻方物名  
馬奔上蜀孟氏所給符印授漢璿歸德將軍南寧州刺  
史其後夷王龍漢興龍漢璿相繼遣使貢方物授漢璿  
寧遠大將軍封歸化王景德四年西南蠻羅瓊并都指  
揮使顏士龍等來貢士龍種落遐阻未嘗來朝今始至  
詔館餼賜予如高溪州大中祥符五年黎洞夷人互相  
殺害巡檢使發兵掩捕上聞而切責之曰蠻夷相攻許  
邊吏和斷安可擅發兵甲或致擾動卽令有司更選可

任者代之是年晏州多剛縣夷人斗望等劫涪井監殺  
駐泊借職平言大掠資畜知瀘州江安縣奉職文信領  
兵趨之遇害民皆驚擾走保戎州轉運使寇瑛上言斗  
望等屢爲寇鈔恃寬赦不悛惡今請發嘉眉屯兵捕剪  
以震懼之六年九月詔王懷信爲嘉眉戎瀘等州水陸  
都巡檢使康訓符承訓爲都同巡檢使及發虎翼神虎  
等兵三千餘人令懷信與瑛商度進討瑛乃分兵合擊  
連破之七年正月又大敗之夷人震驚諸軍首服因殺  
三牲盟誓辭甚懇苦卽犒以牢酒感悅而去嘉祐中鷄  
州亦遣人貢馬有董氏世知保州曰仲元者襲是州二

十餘年矣至是益州鈐轄司表其善拊蠻夷命爲本州  
刺史鷓州保州皆西南邊地也又有夷在瀘州部亦西  
南邊地所部十州曰鞏曰定曰高曰奉曰清曰宋曰納  
曰晏曰投附曰長寧皆夷人居之依山險善寇掠清井  
監者在夷地中朝廷置吏領之以拊御夷衆或不得人  
往往生事皇祐中知益州田況奏夷衆連年爲亂繇主  
者非其人請令轉運鈐轄司舉官爲知監監押代還日  
特遷一資從之瀘州部舊領姚州廢已久有烏蠻王子  
得蓋者來居其地部族最盛數遣人詣官自言願得州  
名以長夷落嘉祐中因賜號姚州鑄印予之夔州路又

有漆南二州夷頗盛彊皇祐初詔自今歲遣使存問雅  
州西山野川路蠻者亦西南夷別種有部落四十六唐  
以來皆爲羈縻州太平興國初首領馬令膜等來貢并  
上唐朝勅書告身凡七通咸賜冠帶其首領授以官

黎州諸蠻凡十二種曰山後兩林蠻曰邛部川蠻曰風  
琶蠻曰保塞蠻曰三王蠻亦曰部落蠻曰西箐蠻曰淨  
浪蠻曰白蠻曰烏蒙蠻曰阿宗蠻凡風琶兩林邛部皆  
謂之東蠻其餘小蠻各分隸焉夷俗尚鬼謂主祭者鬼  
主故其酋長號都鬼主開寶以後諸蠻遣使來貢其酋  
及使咸授以官邛部於諸蠻中最驕悍狡譎招集蕃漢

亡命侵攘他種閉其道以專利曰大雲南蠻曰小雲南  
蠻卽唐南詔今名大理國自有傳部落蠻有劉楊郝三  
姓孝宗時五部落蠻貢馬三百疋求內附詔許通互市  
却所貢後吐蕃青羌首領奴兒結等爲邊害十餘年制  
置使留正以計禽殺之盡殲其黨趙汝愚代爲制置使  
奴兒結弟三開復叛汝愚縣重賞以間羣蠻三開不能  
孤立以憂死汝愚以定青羌功加秩云

敘州三路蠻西北曰董蠻正西曰石門部東南曰南廣  
蠻董蠻在馬湖江右楚侏國也其酋董氏南廣蠻在敘  
州慶符縣大觀三年有夷酋羅求順楊光榮李世恭等

各以地內屬詔建滋純祥三州後皆廢石門蕃部與臨洮土羌接唐興播等十二州之地其人精悍善戰聞自馬湖南廣諸族皆畏之蓋古浪稽魯望諸部也

威州保霸蠻者唐保霸三州也天寶中所置後陷沒酋董氏世有其地與威州相錯因羈縻焉嘉祐熙寧中常請朝命政和初知成都龐恭孫建言開拓置官吏迺以保州地爲祺州霸州地爲亨州授其酋刺史團練使

茂州諸部落蓋塗靜當直時飛宕恭等九州蠻也自推一人爲州將治其衆常詣茂州受約束茂州居羣蠻之中地不過數十里宋初無城隍惟植鹿角自固蠻乘夜



屢入寇民甚苦之熙寧八年城茂州蠻以爲侵其地率衆奄至知州范百常擊走之旣而合羣蠻復至相距七十日詔遣王中正將陝西兵來援入恭州宕州誅殺頗衆蠻遂降政和五年有直州將郅永壽陽延俊董承有等各以地內屬詔以永壽地建壽寧軍延俊承有地置延寧軍然與亨祺二州皆非扼控之所未幾皆廢

渝州蠻者古板楮七姓蠻唐南平僚也洽平中熟夷李光吉梁秀等三族據其地各有衆數千家間以威勢脅誘漢戶有不從者屠之沒入土田官軍追捕輒遁去習以爲常密賂黠民覘守令動靜稍築城堡繕器甲遠近

患之熙寧三年轉運使孫固判官張洸使兵馬使馮儀  
弁簡杜安行圖之以禍福開諭因進兵復賓化砦平蕩  
三族以其地賦民凡得租三萬五千石以賓化砦爲隆  
化縣隸涪州建榮懿扶歡兩砦其外銅佛垠者隸渝州  
南川縣地皆膏腴自光吉等平他部族據有之朝廷因  
補其土人王才進充巡檢委之控扼才進死部族無所  
統數出盜邊朝廷命熊本討平之建爲南平軍以渝州  
南川涪州隆化隸焉大觀二年木攀首領趙泰播州夷  
族楊光榮各以地內屬詔建泰播二州後皆廢

黔州涪州徼外有西南夷部漢牂牁郡唐南寧州牂牁

昆明東謝南謝西趙兗州諸蠻也宋初以來有龍蕃方  
蕃張蕃石蕃羅蕃者號五姓蕃皆常奉職貢受爵命熙  
寧之後諸族繼來龍蕃衆至四百人往返萬里神宗憫  
其勤詔五姓蕃五歲聽一貢人有定數無輒增及別立  
首領以息公私之擾命宋敏求編次諸國貢奉錄客省  
四方館撰儀皆著爲式元豐中張蕃乞添貢奉人至三  
百詔不許故事蠻夷入貢雖交趾于闐之屬皆御前殿  
見之獨此諸蕃見於後殿蓋卑之也諸蕃部族數十獨  
五姓最著程氏韋氏比附五姓號西南七蕃云

施州蠻者夔路徼外熟夷蓋唐彭水蠻也咸平中施蠻

嘗入寇詔以鹽與之且許其以粟轉易蠻大悅自是不  
爲邊患後因饑又以金銀倍實直質于官易粟官不能  
禁熙寧六年詔施州蠻以金銀質來者估實直如七年  
不贖則變易之著爲令熊本經制清井事蠻酋田現等  
內附施黔比近蠻子弟精悍戰鬪趫捷朝廷嘗團結爲  
忠義勝軍其後瀘州清井石泉蠻叛皆獲其用

高州蠻故夜郎也宋初其酋田仙以地內附賜名珍州  
拜爲刺史仙以郡多火災請易今名大觀二年有駱解  
下上族納土復以珍州名云

瀘州西南徼外古羌夷之地被邊十餘郡綿亘數千里

剛夷惡僚殆十萬計自治平之末訖于靖康大抵皆通互市奉職貢亦時有剽掠清水夷者羈縻十州五國蠻也雜種夷僚散居溪谷中慶曆初瀘州言管下溪峒十州有唐及本朝所賜州額今烏蠻王子得蓋居其地旁有舊姚州廢已久得蓋願得州名以長夷落詔復建姚州以得蓋爲刺史得蓋死其子竊號羅氏鬼主鬼主死子僕射襲其號浸弱不能令諸族烏蠻有二酋領曰晏子曰斧望箇恕晏子所居直長寧寧遠以南斧望箇恕所居直納溪江安以東皆僕夜諸部也二酋浸强大擅劫晏州山外六姓及納溪二十四姓生夷夷弱小皆相

興供其寶熙寧七年六姓夷自消井謀入寇命熊本經  
制之景忠立戰沒本將蜀兵募土丁及夷界黔州弩手  
以毒矢射賊賊驚潰於是山前後長寧等十郡八姓及  
武都夷皆內附提點刑獄范百祿作文誓之立石武寧  
砦熊本言二酋桀黠不羈縻之則諸蠻未易服遂遣人  
說誘招納於是晏子斧望箇恕及僕夜皆願入貢受王  
命晏子未及命而死乃以箇恕知歸來州僕夜知姚州  
以箇恕之子乞弟晏子之子沙取祿路並爲把截將西  
南夷部巡檢十年羅苟夷犯納溪砦提點刑獄穆珣請  
加誅乃詔涇原副總管韓存寶擊之存寶召乞弟等擒

角討蕩五十六村十三回蠻乞降願納土承賦租乃詔  
罷兵元豐元年乞弟率晏州夷合步騎六千至江安城  
下責平羅苟之賞數日乃引去知瀘州喬敘要欲與盟  
奏以乞弟襲歸來州刺史乞弟不肯出拜敕遣就賜之  
亦不見第令小蠻取敕以去喬敘因沙取祿路以賄招  
乞弟乃肯來三年盟于納溪蠻以爲畏已益悖慢盟五  
日遂以衆圍羅箇牟族羅箇牟熊本所團結孰夷也王  
宣往救之宣與一軍皆沒事遂張駟召存寶授方略統  
三將兵萬八千趨東川存寶怯懦不敢進乞弟送款給  
降存寶信之遂休兵于綿梓遂資間四年詔以環慶副

總管林廣代存寶按寶逗撓誅之林廣與南平熟夷楊  
光震同力討賊乞弟恐復送款帝以其前後反覆無真  
降意督廣進師廣遂破樂攻城至斗蒲村斬首二千五  
百級次落婆乞弟乃納降廣盛陳兵以受之對語良久  
乞弟疑有變引衆遁廣帥兵深入會大雨雪浹旬始次  
老人山山形劒立度黑崖至鴉飛不到山五年正月次  
歸來州天大寒然桂爲薪軍士皆凍墮指留四日求乞  
弟不可得有密詔如已破其巢穴雖未得乞弟亦聽班  
師軍中皆呼萬歲乃以衆還捷書聞赦梓州路以歸來  
州地賜羅氏鬼主乞弟旣失土窮甚往來諸蠻間無所



依帝猶欲招來之會其死於是羅始党斗然斗更等諸  
酋請依十九姓團結新收生界八姓兩江夷族請依七  
姓團結皆爲義軍從之自是瀘夷震懼不復爲邊患沙  
取祿路死子驚弊承襲政和五年晏州夷卜漏叛招討  
使趙適討平之事見趙適傳

宋史新編卷二百終

宋史新編附錄

頌

文奎聚宿開祚精華沴消五季灝噩一家十有六主  
德寡愆尤奔亡海島講筵弗休家傳內法而過漢唐  
矧乎理學兩代奚當如山如河君子多福旣而道衰  
舟湍霜木汴京汗牘富視石渠三朝兩朝四朝有書  
元豐付誰曾氏椽筆洪際淳熙九朝合一南渡長編  
王紀亦盡得失非真史奚以信勝國儒臣歐揭其選  
輯宋全編四百餘卷遙輦狄裔肇迹扶餘傳禪可汗  
遂斥其墟審吉造邦肅慎徼外侵宋并遼完顏用大

凡歷二百相望僭吞豈惟隣壤盜我中原史流法弛  
正統無歸華夷有界大分已微

明興以來幾開史局纂要爰脩綱目載續達理制事古  
難其人紛出諸手粗麗靡均文安著論文莊提綱吁  
哉前美承者未遑狀元家世太守名郎領鑒玄達適  
世翺翔入奉

清問一日起曹十有一閏韞玉林臯不目除目何損道  
心亟騰薦剡孰過德音九冬有隙三餘暇時尺陰尺  
壁念茲在茲代樹萱蘇汎遊藝圃分漏分更心苦彌  
苦少治春秋微言隱故喟歎史經治世全務權衡一

字穀亂折平公穀可奪左氏可興六經而下遷史其  
尤又歎司馬善學春秋考要之作功多於遷宏材命  
世其然又然次第羣史隨世典常研求宋簡未悉三  
長當勝國初於宋爲近詞彥之宗凡抱願藎時政聖  
政寶典訓典博考旁搜可徵著譏策書大體焉支焉  
離或失則戾或失則遺能讀丘索自許史才論世兩  
宋昭往詒來首之以紀遡自系原兼錄制令以備王  
言次之以志彙附門分最詳象諱測應具存表專宰  
輔觀世汗隆宗室別述系在其中列傳之目重道崇  
儒叛人徼利罔逃顯誅遼金國事收而夷之書名書

字西夏同詞春秋之旨馬遷之文纂敘鴻業而府餘  
芬漢臣三篋梁相五車羽陵嵩嶽綠字無涯新編之  
作因舊功崇趙家通典天地與終

歲舍壬子春分日葭蒼洲人鄭應旂謹書于寄寄窩

宋史新編附錄終

宋史新編後序

宋史新編者吾友柯奇純氏之所著也編成泰泉黃公旣序於首矣乃授簡屬余敘諸後余惟史之難久矣非網羅千古兼備三長不足以綜覈前聞獨超往乘非窮居隱約謝絕世紛不足以專情探索一意編摩故古今稱司馬遷有良史才而史記一書乃於幽憤中得之柯子思遠而志弘識高而才敏少承學士竹巖公家學之傳妙年登第與父兄師友互相刮磨多其所自得者筮仕南司徒郎卽乞疾引歸林臥三十餘年杜門劬書浮雲聲利而所學益大以肆讀宋

史慨其義例欠精編次失當而宋遼金三史並列尤失春秋之義乃覃思發憤遠紹博稽釐複訂譌舉偏補漏凡二十餘寒暑始克成編斯其志亦勤矣首本紀而次志表先道學而後循吏爲得其敘略細務而挈宏綱刊繁誤而存典實爲得其要論讚之詞直而不刻辯而不浮爲得其體其最大者尊宋之統附遼金爲外國傳尤爲得義例之精於是數百年之書一旦釐正視元人所修何啻千百其有功於史大矣向使柯子身不隱窮不久雖勳烈當有可觀必不能潛心大業卓見旁通以成茲典以此視彼其所得孰多

耶載攷宋之立國以揖遜開基以忠厚傳世以恩禮待士夫以至誠待夷狄宋臣謂其超越古今語非夸也惟是兵力稍弱國勢寢衰然雖南渡偏安而紀綱尚在至於厓門播遷綴旒已絕而忠盡之臣伏節死義猶斌斌相望論者以爲祖宗三百年禮士之報視遼金夷俗德義不修攷是遲者逕庭遠矣是編尊宋統而附遼金豈非古今一斷案也哉昔朱子作綱目取法春秋黜吳魏而帝昭烈君子謂正統以明柯子蓋治春秋而有得於綱目者余不佞職史多年深慚載筆覽公之編而有感焉謹列其大都以告後之



讀是史者

嘉靖三十六年歲次丁巳夏五月

賜進士出身南京禮部右侍郎前翰林院侍講學士掌  
院事 春宮諭德同脩

國史會典同邑礪峰康大和撰

宋史新編後序

終